

## ZAPISNIK

Sa IV sjednice Upravnog odbora Udruženja poslodavaca FBiH, održane dana 19.06.2012. godine sa početkom u 11:00 sati u prostorijama Sarajevskog kiseljaka d.d. (Kraljice Mira 7.) u Kiseljaku.

**Sjednici su prisustvovali:** gđin. Miljenko Čolak gđin. Safudin Čengić, g-din. Predrag Čović, gđin. Vejsil Huremović, gđin. Haris Kuskunović, gđin. Šaban Rizvić, gđin. Anto Suton, gđin. Hamed Šivšić, gđi. Midhat Terzić, gđin. Suhad Ećo, i gđin. Josip Vukadin.

**Sjednici nisu prisustvovali:** gđa. Edita Mulić, gđin. Stipe Prlić, , i gđin. Rasim Salčinović koji su opravdali svoj izostanak.

Sjednici su prisustvovali i članovi delegacije ESV-a a koji nisu članovi UO: gđin. Edin Ibrahimpašić i gđin. Tomislav Slišković.

**Sjednici su prisustvovali po dužnosti:** gđin. Mladen Pandurević i Mersiha Jusić.

Uvodnu riječ dobrodošlice članovima Upravnog odbora uputio je predsjednik U.O. gđin. Sefudin Čengić i predložio sljedeći:

### DNEVNI RED

1. Usvajanje zapisnika sa III sjednice Upravnog odbora UPFBiH;
2. Razmatranje materijala za 88-12 sjednicu ESV-a;
  - a. Razmatranje Nacrta zakona o radu;
  - b. Informacija o implementaciji Zakona o fiskalnim sistemima;
  - c. Informacija o naplati direktnih poreza u Federaciji BiH;
3. Razmatranje radnog materijala Strategije reforme penzionog sistema FBiH
4. Razmatranje učešća UPFBiH na Summitu poduzetnika i saradnja na Projektu EXPO BiH
5. Razmatranje položaja članica UPFBiH kod velikih trgovačkih centara
6. Tekuća pitanja

Obzirom da sjednici nije prisustvovao gđin. Salčinović koji je kandidovao 5. Tačku dnevnog reda Predsjednik je predložio da se sa dnevnog reda skine 5. Tačka.

Dnevni red je usvojen uz prijedlog Predsjednika da se 5. Tačka skine sa dnevnog reda.

## **RASPRAVLJANJE PO TAČKAMA DNEVNOG REDA:**

### Tačka 1 : Usvajanje zapisnika sa III sjednice Upravnog odbora

Predsjednik UO je upoznao prisutne sa zapisnikom i otvorio raspravu.

ZAKLJUČAK: Obzirom da nije bilo primjedbi zapisnik je jednoglasno usvojen.

### Tačka 2: Razmatranje materijala za 88-12 sjednicu ESV-a;

- a) Razmatranje Nacrta zakona o radu;
- b) Informacija o implementaciji Zakona o fiskalnim sistemima;
- c) Informacija o naplati direktnih poreza u Federaciji BiH;

Predsjednik je upoznao prisutne sa tačkama dnevnog reda i otvorio diskusiju za tačke dnevnog reda. U veoma otvorenoj i konstruktivnoj raspravi po svim tačkama dnevnog reda su učestvovali svi prisutni nakon čega su doneseni sljedeći:

Vezano za Nacrt Zakona o radu UO je zaključio da će se sve dostavljene primjedbe objediniti i uputiti Ministarstvu za rad i socijalnu politiku.

Udruženje poslodavaca u FBiH bilo uključeno u izradu nacrta Zakona te da su se prilikom izrade Nacrta Zakona pojavila sporna pitanja oko kojih se predstavnici Sindikata i poslodavaca nisu mogli sporazumjeti.

Navdena sporna pitanja su:

dnevna pauza-odmor u toku radnog vremena

Poslodavci ne osporavaju pravo na odmor u toku radnog vremena već na plaćanje pauze u toku radnog vremena. UPFBiH je insistiralo da se pauza u toku radnog vremena u periodu od 30 minuta ne uračunava u radno vrijeme što je praksa u većini evropskih zemalja a i Direktive EU o radnom vremenu definišu "odmor" kao svako razdoblje koje nije radno vrijeme.

U postojećem Nacrtu prihvaćen je prijedlog UPFBiH odnosno zadržano staro rješenje da se dnevna pauza ne uračunava u radno vrijeme.

- Porodiljsko odsustvo

I dalje ostaje pravo na porodiljsko 1. godinu dana. Te mogućnost poslodavca da ukoliko poslodavci to mogu isplate razliku plate. Sama činjenica da je bilo zahtjeva za povećanje trajanja porodiljskog odsutva kao i zahtjevi da se stavi obaveza poslodavcu da isplaćuje razliku plaće ukazuje na to da poslodavci trebaju da budu zadovoljni sa ovakvim prijedlogom rješenja.

- minimalna plata

Prijedlog UPFBiH da se minimalna plaća utvrđuje kolektivnim Ugovorom je prihvaćen novim Nacrtom

- minimalni regres

Regres je pravo koje se utvrđuje kolektivnim ugovorom takao da u ovom prijedlogu Teksta nije utvrđen minimalni regres.

- godišnji odmor-

Rješenje je 20 radnih dana a što je u skladu sa primjedbom UPFBiH da se umjesto 4. sedmice stavi 20 radnih dana.

- plaćeno odsustvo za oca

I dalje ostaje mogućnost da otac u slučaju porođaja supruge ima pravo na plaćeno odsustvo.

- Otkazni rokovi

Kod otkaznih rokova nije prihvaćen naš prijedlog da se izjednači otkazni rok za poslodavca i radnika odnosno zaposlenika.

Gospodin Mladen Pandurević, direktor UPFBiH je istakao da je većina navedenih primjedbi Udruženja poslodavaca u FBiH ugrađena u postojeći Nacrt Zakona o radu te da bi ovakav Zakon sa dodatnim primjedbama koje se dostave sa ove sjednice bio prihvatljiv za poslodavce.

## **ZAKLJUČCI:**

Vezano za Nacrt Zakona o radu UO je zaključio da će se sve dostavljene primjedbe objediniti i uputiti Ministarstvu za rad i socijalnu politiku te da će na sjednici UO delegacija upoznati ESV sa primjedbama UPFBiH koje će biti dostavljene.

Vezano za Implementaciju Zakona o fiskalnim sistemima UO i naplati direktnih poreza UO je zaključio da je dostavljena informacija veoma neozbiljna te da nema detaljnih informacija o tome kako je uvođenje fiskalnog sistema doprinijelo poboljšanju porezne politike i povećanju budžeta FBiH, odnosno koliko je porezna uprava prikupila direktnih poreza u odnosu na prethodne godine kada nije bilo projekta fiskalizacije. UO se složio da je fiskalizacija samo dodatno opterećenje privrednicima te da ovakvi projekti postoje samo u nekoliko država u Evropi i da su se pokazali nefunkcionalnim sistemom. Ovaj stav će zastupati i delegacija ESV-a.

### Tačka 3. Razmatranje radnog materijala Strategije reforme penzionog sistema FBiH;

Vezano za ovu za ovu tačku dnevnog reda gđin. Pandurević je upoznao prisutne da je član Radne Grupe gđin. Darko Josipović predstavnik „Sarajevski kiseljak d.o.o.“ dostavio UO prijedlog dokumenta za izradu Strategije reforme penzionog sistema da UO dostave svoje komentare.

**Zaključak:** Zaključeno je da svi članove UO razmotre dostavljene materijale i svoje prijedloge, mišljenja i sugestije dostave Stručnoj službi UPFBiH.

Tačka 4. Razmatranje učešća UPFBiH na Summitu poduzetnika i saradnja na Projektu EXPO BiH

Vezano za ovu tačku dnevnog reda zaključeno je da o ovakvim i sličnim pitanjima Odluku donosi Predsjednik uz konsultacije sa direktorom.

Sjednica je završena u 14:30časova.

Zapisnik sačinila:  
Mersiha Jusić

Predsjednik UO UPFBiH  
Safudin Čengiđ, s.r.